

大惡象爲象所逐狂懼走突無所依怙見一
立井即尋樹根入井中藏有白黑鼠牙齧樹
根此井四邊有四毒蛇欲螫其人而此井下
有大毒龍傍畏四蛇下畏毒龍所攀之樹其
根動搖樹上有蜜三滴墮其口中于時動樹
憊壞蜂窠衆蜂散飛唼螫其人有野火起復

七
畫五

來燒樹大王當知彼人苦惱不可稱計王愁
憂獸惡而言彼人得味甚少苦患甚多其所
味者如牛跡水其所苦患猶如大海味如芥
子苦如須弥味如螢火苦如日月如藕根孔
比於太虛亦如蚊子比金翅鳥其味苦惱多
少如是尊者言大王曠野者喻於生死彼男
子者喻於凡夫象喻無常丘井喻於人身樹
根喻人命白黑鼠者喻晝夜齧樹根者喻念
念滅四毒蛇喻四大蜜者喻五欲縱蜂喻惡
覺觀野火燒者喻老下毒龍者喻死是故當
知欲味甚少苦患甚多生老病死於一切人
皆得自在世間之人身心勞苦無歸依處衆

苦所逼輕疾如電是可憂愁不應愛著大王
今我語王言雖麤惡實是利益王聞是語衣
毛以堅悲喜交集涕泣流淚即起合掌五體
投地白尊者言我之嬰愚無有智慧我之下
賤作斯狂言如是狂言聽我懺悔尊者言我
於今者以忍出家無不忍受我心清淨猶如
秋月淨無雲翳王今懺悔願使大王猶如天
帝得見道跡王大歡喜與諸眷屬作禮還宮

請賓頭盧經一卷

請賓頭盧經

宋三藏惠簡譯

天竺國有優婆塞國王長者共設一切會常
請賓頭盧頗羅墮誓阿羅漢賓頭盧者字也
頗羅墮誓者姓也其人爲樹提長者現神足
故佛擯之不聽涅槃勑令爲末法四部衆作
福田請時於靜處燒香禮拜向天竺摩犁山

至心稱名言大德賓頭盧頗羅墮誓受佛教
勑爲末法人作福田願受我請於此處食若
新作屋舍亦應請之言願受我請於此舍牀
敷上宿若普請衆僧澡浴時應請之言願受
我請於此洗浴及未明前具香湯淨水澡豆
楊枝香油調適冷暖如人浴法開戶請入然

畫五

八

後閉戶如人浴訖頃衆僧乃入凡會食澡浴
要須一切請僧至心求解脫不疑不昧信心
清淨然後可屈近世有長者聞說賓頭盧阿
羅漢受佛教勑爲末法人作福田即如法施設
大會至心請賓頭盧觀能下偏布華欲以驗
之大衆食訖發瞿佉華皆萎懊惱自責不知

過所從來更復精竭審問法師重設大會如
能華亦復萎復更傾竭盡家財產復作大會
猶亦如前懊惱自責更請百餘法師求請所
失懺謝罪過始向上座一人年老四布悔其
愆咎上座告之汝三會請我我皆受請汝自
使奴門中見遮以我年老衣服弊壞謂是被

擯離沛沙門不宜見前我以汝請欲強入汝
奴以杖打我頭破額右角瘡是第二會亦來
復不見前我又欲強入復打我頭額中瘡是
第三會亦來如前被打額左角瘡是皆汝自
爲之何所懊惱言已不現長者乃知是賓頭
盧自余已來諸人請福皆不敢復遮門若得

賓頭盧其座華即不萎若新立房舍牀榻欲
請賓頭盧時皆當香湯灑地燃香油燈新牀
新褥奮綿敷之以白練覆綿上初夜如法請
之閉房慎勿輕慢闢看皆各至心信其必來
精誠感徹無不至也來則褥上現有卧處浴
室亦現用湯水處受大會請時或在上座或

畫五

九

在中座或在下座現作隨處僧形人求其異
終不可得去後見座華不萎乃知之也

請賓頭盧經

大勇菩薩分別業報略經

宋天竺三藏僧伽跋摩譯